

Espectaculo Local

O.D.E.A. ta felicita y gradici tur su miembronan pa nan 25 aña di existencia

E logro historico aki ta danki na cada un su contribucion



ORANJESTAD (AAN): Organisacion di Enfermeronan di Aruba, O.D.E.A. ta felicita tur su miembronan cu a contribui pa 18 di januari 2014, O.D.E.A. por a cumpli 25 aña di existencia. Cada un di su miembronan a hasi esaki posibel y cada un lo wordo gradici pa esaki den e "O.D.E.A.'s Silver Anniversary Celebration".

O.D.E.A. a duna apertura di su "O.D.E.A.'s Silver Anniversary Celebration" gradiciendo na promer lugar e coleganan cu a uni nan mes 25 aña pasa despues di Aruba su Status Aparte pa lanta nos mesun organisacion y asina laga los di O.D.E.A.N., cu tawata e organisacion cu ta representa enfermeronan di Antillas.

E coleganan cu a uni nan mes y a forma e promer directiva di O.D.E.A. tabata Sr. Richard Maxwell cu a fungi como e promer Presidente. Sr. Richard Maxwell na December aña pasa a dicidi di bai disfruta di su pensioen na Hulanda. Como Vice-Presidente a fungi sra. Grace Richards cu ta disfrutando di su pensioen aki na Aruba y tawata presente a

comparti su experencianan durante cu e tabata Vice-Presidente cu tur presente.

Promer Secretaria tawata sra. Jasmien Cijntje cu ta residencia na St. Maarten.

Promer Tesorero tabata Sr. Hans Bolsman cu ta residencia na Bonaire.

Como comisarionan a fungi: sra. Margaritha "Chichi" Pourier, sr. Ezzard Cilie, sr. Fransico "Frank" Moreta y sr. Rudolfo Bernabela, cu tur ta residencia na Aruba y tambe a comparti nan experencianan cu tur presente.

Durante e 25 aña di existencia O.D.E.A. a wordo dirigi pa 7 Presidente; Sra. Josefa "Josje" Chin Woeij Njap, cu tawata e promer President femenino cu a tuma e reto tambe di organisa e promer conferencia di C.N.O. na Aruba na 1992. Sr. Micheal Quant cu a sinta diferente periodo tras di otro. Sr. Rafael Lopez despues di a fungi como Comisaris y Tesorero tambe a acepta e reto como Presidente y a Rafael a fungi tambe como Tesorero pa C.N.O.. Sr. Landre Jeroen y Sr. Howard Maxwell tambe

a sinta un periodo como Presidente.

Tur cu a fungi como Presidente a sa di lucha hunto cu nan directiva pa cumpli y mantene e metanan di O.D.E.A. bibo. Esaki sigur no tawata un tarea facil, pero Presidente actual di O.D.E.A. Sra. Sharlyn Tromp-Farro a revisa e statuto y tur loke O.D.E.A. a logra durante di 25 aña y a felicita cada un cu a hasi nan maximo esfuerzo pa cumpli cu cada un di e metanan di O.D.E.A.. Nos por ta orguyoso cu awe O.D.E.A. tin e respet di nos parlamento, nos grieffiarnan, nos gobernantenan, director di institutonan y AZV. Nos ta un partner respeta den salubridad, pasobra nos ta keda e grupo di mas grandi cu ta duna e cuido na nos patiëntnan.

Niun Presidente por a dirigi nos organisacion sin un directiva, pa es motibo aki tambe O.D.E.A. a trata na invita tur e coleganan cu a fungi como miembro di directiva di O.D.E.A. durante e 25 aña di existencia tambe e comisionnan fiho di R.A.V/ BIG, CODISEA cu durante



25 aña a traha pa jega na e posicion importante cu enfermeronan den salubridad. Miembronan di Directiva actual di O.D.E.A. a hasi tur nan esfuerzo pa por a invita y localisa tur e miembronan di directiva cu nan por a collecta, pero lamentablemente no a logra localisa tur. Nos disculpa pa esaki nos lo sigui trata pa garantisca cu tur miembro di directiva por ricibi nan recuerdo sea nan ta local y/of den exterior.

Despues di e speech di Presidente actual di O.D.E.A. Sra. Sharlyn Tromp-Farro y Minister Alex Schwengle a "toast" pa O.D.E.A. por sigui crece y existi por lo menos 25 Aña mas.

Tur presente a disfruta di e "Breakfast-Toast" incluso di por a disfruta di e potretnan di e tempo cu nan tabata miembro di directiva.

Presidente di O.D.E.A. a entrega cada Presidente nan recuerdo y a duna cada Presidente e oportunidad pa nan mes entrega nan miembronan di directiva na recuerdo. Y na e momento aki cada un pro a expresa na mes na tur presente. Minister Alex Schwengle, Sra Gina

Maduro y e studiantenan di EPI S& S tambe a ricibi na recuerdo pa a acepta nos invitacion pa comparti e apertura di e "O.D.E.A.'s Silver Anniversary Celebration".

Tur presenta a expresa na gratitud pa e atencion y elogio ricibi pa nan contribution duna na 25 aña di existencia.

Tur ta convenci cu apesar cu nos metanan a wordo logra, nos tin metanan aun mas grandi ainda nos dilanti cu e implementacion di e ARU-BIG.

Presidente di O.D.E.A. a gradici su directiva actual pa e sosten ricibi. Miembronan di Directiva actual di O.D.E.A. ta: Sra. Astrid de Palm-Tromp como vice Presidente, Sra Gloria Richardson como secretaris, Sra. Arnelda Els como segundo Secretaris, Sra. Sonia Jacob como Tesorero, Sra. Maria Croes como segundo Tesorero, Sra. Shirley Isei como commissaris.

Directiva di O.D.E.A. di awor aki ta pidi tur miembro di O.D.E.A. y tur colega den enfermeria y comunidad completo pa reserva 5 di April pa asina tur por bin participa na nos workshop caminda conhuntamente nos lo bay defini "Aruban Nurses Profile", cual ta nos siguiente actividad di "O.D.E.A.'s Silver Anniversary Celebration", cu lo wordo concretiza den nos "National Nurses Week" cu ta di 6 pa 12 di Mei 2014. Un biaha mas pabien y danki na tur cu a contribui pa sigui mantene e lampi di O.D.E.A. cendi.